

20 September 2012

Jaargang 5 – Uitgawe 33

## In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Kommentaar
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan [karen@nhk.co.za](mailto:karen@nhk.co.za)

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

## VOORBLAD

### 2013 – Jaar van die Gestremde

**Kyk 'n mens na foto's van die Olimpiese deelnemers in aksie, beleef jy weer die opwinding van die afgelope jaar – merkwaardige prestasies op sportgebied deur die beste atlete ter wêreld. Gouemedaljewenners.**

**Kyk 'n mens na foto's van die Paralimpiese atlete in aksie, kry die opwinding nuwe betekenis. Merkwaardige mense wat enorme uitdagings oorkom het om die hoogste sport te bereik. Die beste atlete ter wêreld. Gouemedaljewenners.**

Die viering van die prestasies van ons Olimpiese en Paralimpiese helde het 'n (verrassende?) wending geneem toe die Minister van Sport aangekondig het dat die Paralimpiese medaljewenners nie net die helfte nie maar presies dieselfde bonusse gaan ontvang as die Olimpiese medaljewenners. Verrassend? Fantasties! Ongekend? Regverdig!

Dit laat 'n mens dink aan die uitdagings wat gestremde mense in ons samelewing moet oorkom. Blindes, swaksienes, Downs-lyers, dowes, hardhorendes, serebraalgestremdes, parapleë, kwadrupleë, neurologies-gestremdes, en so kan ons voortgaan. Mense wat op hul eie manier moes leer om in 'n harde en dikwels ongenaakbare wêreld te oorleef – om, by wyse van spreke, met sintetiese lemme te moet hardloop teen gesonde en amper-perfekte voete.

Miskien is die grootste uitdaging vir gestremde mense om as gelykes deur die samelewing behandel te word. Dink maar aan die stryd wat Oscar Pistorius gestry het om op gelyke voet te kon deelneem aan die Olimpiese Spele. Uiteindelik het hy dié baanbreker geword vir die saak van gestremde atlete – met die ondersteuning van derduisende (indien nie miljoene nie) mense regoor die wêreld. As ons egter dink aan die mense met gestremdhede wat in ons gemeentes en gemeenskappe leef, is die vraag of hulle ook sulke ondersteuning kry. Die vraag behoort nie vir ons as gemeentes te wees of ons vir hierdie mense ondersteuning kan gee nie, maar eerder hoe ons dit kan doen.

Die Kommissie van die Algemene Diakensvergadering (ADV) het dit goedgevind om volgende jaar te fokus op die saak van die gestremde. Waar 2012 se fokus op die bejaarde geval het, het talle gemeentes en ringe groot treë gegee met die diens aan bejaardes in hul gemeenskappe. So wil ons in 2013 vir gemeentes en ringe vra om die saak van die gestremde te bevorder. Só dat hulle tuis sal voel in ons gemeentes, in ons Kerk. Só dat hulle deel sal voel van ons roeping om die sout vir die aarde te wees. Só dat ons nie net sal praat van bediening aan gestremdes nie, maar ook van bediening deur gestremdes. Maar só dat elkeen van ons, gestremd of nie, die liefde van Christus sal ervaar. As mekaar se broers en susters.

Ons wil Ringsdiakensvergaderings (RDV's) en gemeentelike diakensvergaderings nou reeds aanmoedig om mense met gestremdhede na hul vergaderings volgende jaar te nooi – sodat ons nie oor mense praat nie, maar met mense. Sodat ons eerstehands kan hoor wat ons behoort te doen. Met die klem daarop om te doen. Barmhartigheidsdiens is nie 'n blote leerstuk nie – dit is aksies wat ons neem in die voetspore van Christus.

Op die NHK se Facebook-blad is 'n plasing op Sondag 9 September gemaak van Gemeente Weskus wat 'n bril gegee het aan 'n dowe en swaksierende lidmaat. Nie 'n ryk gemeente nie, maar 'n gemeente wat omgee!

Mag die merkwaardige prestasies van ons Paralimpiese atlete ons aanspoor om uit te reik na ons gestremde broers en susters. Mag 2013 in die besonder geken word as die jaar waarin die Kerk haar hand nog verder uitgereik het na dié wat besondere uitdagings moet oorkom. En mag die NHK geken word deur geloof wat in liefde tot dade oorgaan!

## Skakels

Webblad van die Hervormde Kerk [www.nhka.org](http://www.nhka.org)

Die Hervormer [www.hervormer.co.za](http://www.hervormer.co.za)

e-Hervormer [www.hervormer.co.za/e\\_Hervormer.html](http://www.hervormer.co.za/e_Hervormer.html)

Indien u nie weer die e-Hervormer wil ontvang nie, klik op [www.hervormer.co.za/cancel.html](http://www.hervormer.co.za/cancel.html)

**Ds Gerhard Stoltz**  
**Sekretaris: Kommissie van die ADV**

## BEROEPE EN STANDPLASE

Kontak die webbladredakteur, prof Ernest van Eck, by [ernest.vaneck@up.ac.za](mailto:ernest.vaneck@up.ac.za) om vakante standplase op die Kerk se amptelike webblad by [www.nhka.org](http://www.nhka.org) te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.



Prop Elritia le Roux

### Beroep aanvaar

- **Prop Elritia le Roux** na die Outjo/Otjiwarongo-kombinasie

### Vakante standplase

- **Gemeente Duncanville** in Vereeniging beskik oor 'n **vakante voltydse standplaas**, en het die proses begin om 'n beroep uit te bring. Enige belangstellende predikant of proponent kan 'n CV **voor of op 30 September 2012** stuur aan die sekretariële beampte, mev Jeanné Venter, by [info@continentalgardens.co.za](mailto:info@continentalgardens.co.za). Die kerkraad is nie verplig om uit die groep aansoekers 'n beroep uit te bring nie.
- **Gemeente Randfontein Midpark** beskik oor 'n **vakante voltydse standplaas**, en beplan om eersdaags te beroep. Die gemeente bestaan uit 380 belydende lidmate met 'n gemiddelde ouderdom van 45 jaar. Predikante met bedieningservaring van tussen 3 en 8 jaar word genooi om met die gemeente in verbinding te tree (traktement volgens die skaal 3 tot 8 jaar). Die gemeente behou die reg om enige predikant van die Kerk te beroep, en is nie verplig om net uit die persone wat met die gemeente geskakel het, 'n keuse te maak nie. Belangstellendes kan met die skriba, mev Hester Esterhuizen, by 011 692 3236 skakel, of met ds Wilhelm Steyn by 012 348 2932.

## PREDIKANTE EN GEMEENTES

Stuur asseblief berigte oor lief en leed aan [produksie@nhk.co.za](mailto:produksie@nhk.co.za).

- **Dr Jan Oberholzer**, ouderlinglid van die Kommissie van die Algemene Kerkvergadering (AKV) en vroeër bestuurder van die Kinderhuise, het op Donderdag 13 September 'n operasie ondergaan om verspreide kanker te verwyder. Hy sterk nou tuis aan. Ons dink aan dr Jan en sy gesin in hierdie dae.
- **Ds Peet Esterhuizen** van Gemeente Wonderboom **se vrou, Sonja**, het op Woensdag 12 September 'n groot operasie ondergaan. Sy sterk tans tuis aan. Ons wens haar spoedige en algehele herstel toe.
- **Dr Piet Steenkamp** van Gemeente Saffierkus het pas sy **doktorsgraad** in Organisasiegedrag in die Fakulteit Ekonomiese en Bestuurswetenskappe aan die Universiteit van Pretoria verwerf. Die titel van sy proefskrif is *A meaningful workplace: From theory development to applicability*. Die gradeplegtigheid het op 5 September plaasgevind, maar dr Piet kon nie die geleentheid bywoon nie, vanweë ernstige hartverwerping wat ingetree het nadat hy longontsteking opgedoen het. (Hy het op 14 Januarie 2009 sy nuwe hart ontvang.) Hy is intussen ontslaan en herstel tuis. Hy hoop om gou sy intense swemoefenprogram te hervat om te kwalifiseer vir deelname aan die *World Transplant Games* in Julie 2013. Baie geluk aan dr Piet, en baie sterkte vorentoe!
- **Finaal van die landswye Bybelvasvra**. Baie sterkte aan al die spanne wat hierdie naweek aan die Finaal deelneem. Die Vasvra vind Saterdag 22 September by Kwaggasrus buite Brits plaas.
- Die **gemeente-tellingvorms** vir Augustus 2012 wat onlangs aan alle gemeentes en predikante gestuur is, moet **voor of op 28 September 2012** ingedien word.

Bydraes vir moontlike plasing in die *e-Hervormer* moet asseblief teen Dinsdaemiddae 16:00 **OP DIE LAATSTE** na [produksie@nhk.co.za](mailto:produksie@nhk.co.za) gestuur word.



Dr Jan Oberholzer

Dr Piet en Juanita Steenkamp





Mev Tessa Coetzer

- **Borg kilometers en help ons bejaardes.** Mev Magda van Deventer (redakteur van die ADV se bylaag in *Konteks*) en 'n stapmaat, Avrienne Maritz, stap tans 200 km van 'n pelgrimsroete, die Camino de Santiago in Spanje. Deur middel van borgskappe per kilometer samel hulle geld in vir die **Aksiegroep vir Bejaardes (AGB) van die ADV**. Skakel asseblief die ADV se kantoor by 012 322 8885 x221, of stuur 'n e-posboodskap aan Sonet Esterhuizen by [diens@diakens.co.za](mailto:diens@diakens.co.za) en laat u borgskap aanteken. Meer inligting is beskikbaar op die diakens se webwerf by [www.diakens.co.za](http://www.diakens.co.za).
- **AKSIEGROEP VIR BEJAARDES: 'n Wenk vir bejaardesorg**  
Bejaardes is sagte teikens vir diewe, rowers en verkragters. Maak seker dat die diefwering in bejaardes se blyplekke sterk en behoorlik vas is. Vir meer inligting oor bejaardesorg, gaan kyk gerus by [www.diakens.co.za](http://www.diakens.co.za).
- Talle van die Kerk se **emeriti** wil graag die **kerklike tydskrifte** (*Konteks* en *Die Hervormer*) en die *Almanak/Bybelse Dagboek* ontvang maar kan dit nie bekostig nie. Lesers wat bereid is om 'n **bydrae** te maak sodat die publikasies gratis aan emeriti voorsien kan word, kan hul bydrae inbetaal by die volgende bankrekening: Raad van Finansies, ABSA, tjekrekening nommer 020-000-287, takkode 632-005, verwysing SENTIK-EM.
- **Gemeente Ottosdal** benodig 'n gekwalifiseerde **orrelis**. CV's kan gefaks word na 086 632 8148 of per e-pos gestuur word na [ottosdal@nhk.co.za](mailto:ottosdal@nhk.co.za). Navrae aan die gemeentelike kerkkantoor by 018 571 0200. **Sluitingsdatum** vir aansoeke **16 Oktober 2012**.
- **Gemeente Benoryn** beskik oor 'n vakature vir 'n **orrelis**. Stuur aansoeke aan die gemeentelike kerkkantoor vir aandag Annette: [benoryn@telkomsa.net](mailto:benoryn@telkomsa.net); kontaknommer 011 849 1179; of ds Marlize Gasson: [dominee@vodamail.co.za](mailto:dominee@vodamail.co.za); kontaknommer 011 849 3266 of 072 117 0317.
- **Gemeente Zimbabwe (Harare)** ontvang dié naweek vir **mev Tessa Coetzer**, voorsitter van die NHSV. Sy sal met die dames van die gemeente gesels oor die taak en doel van die NHSV met die oog daarop om die ou RHSV (Rhodesië Hervormde Sustersvereniging) weer te laat herleef in 'n nuwe baadjie. Ds Theuns Botha en sy vrou, Adri, is ook die naweek in Harare. Adri was in die NHSV Hoofbestuur, maar vanweë hul emigrasie na Zimbabwe moes sy bedank. Die gemeente het Saterdagmiddag 'n gemeentegeselligheid. **Ds Theuns Botha** lei Sondagoggend die erediens. Daarna sal mev Coetzer die gemeente toespreek. Op Sondag 30 September lei **ds Attie Hattingh** van Delareyville die erediens in Harare. Die gemeente bedank elke kerkraad en predikant vir die opoffering om hulle in dié moeilike ekonomiese klimaat te besoek en bande te smee. Dit word uit die hart waardeur. Hulle bid ook vir ons geliefde Kerk in Suid-Afrika!
- **Gemeente Durban-Suid** benodig **predikante** om op die volgende tye te preek:
  - o 25 Desember om 07:00
  - o 30 Desember om 08:30
  - o 6 Januarie 2013 om 08:30Skakel prof Bieks Beukes by 072 036 4960 of Isabel Dirker by 031 467 7793
- **Preekbeurt in Dullstroom.** Predikante kan by Gemeente Dullstroom preek en gratis verblyf vir die naweek kry. Die gemeente bied gratis verblyf vir 'n **predikant en sy/haar gade** in ruil vir die gratis preek; **een** voorskoolse kind kan gehuisves word. Daar word voorsien vir **twee nagte**; indien u 'n ekstra nag wil oorbly en ekstra mense bring, moet u dit **vooraf** met Jan Bette by 073 790 3357 bespreek; die derde nag en ekstra mense is op u eie koste. Kontak Johanna by 072 116 3353 of [nhkdullstroom@yahoo.com](mailto:nhkdullstroom@yahoo.com).



- **MRCC: 12de Algemene Kerkvergadering (Sinode)**  
Maandag 1 tot Donderdag 4 Oktober 2012  
Skogheim-konferensiesentrum, Port Shepstone, KZN  
Amptelike opening Dinsdag 2 Oktober, gelei deur ds Jan Mamabolo

## Spesiale eredienste en feesnaweke

- **Gemeente Bosmansrust: Sondag 23 September om 11:00**  
**Dankfees en Nagmaal**  
Viering van 125ste bestaansjaar van gemeente  
100-jaar-viering van kerkgebou  
Alle oudpredikante, vorige lidmate en ander belangstellendes welkom  
Kontak Piet Marx by 082 708 6761 of [pamarx@lantic.net](mailto:pamarx@lantic.net)
- **Optrede van leerders van Prinshofskool en Transoranje-skool se gebaretaalkoor**  
**Sondag 28 Oktober** om 08:00: Gemeente Midrand  
Navrae aan ds Paula Eksteen-Erasmus by 011 702 3046
- **Gemeente Swartkop: Sondag 28 Oktober: Nagmaaldiens**  
Herdenking van 40-jarige bestaan  
Gelei deur ds David Barnard, lank predikant in die gemeente  
Oudpredikante sal die tafels bedien  
Navrae aan Hannelie Beytell by 012 654 3471 of [nhswkop@telkomsa.net](mailto:nhswkop@telkomsa.net)
- **Gemeente Dullstroom: 2-4 November**  
**Viering van 125ste bestaansjaar**  
(Gestig 2 November 1887)  
Oudlidmate, oudpredikante en konsulente  
kan foto's/ervarings/gelukwensings stuur  
Almal welkom om saam te kom feesvier  
Navrae aan Johanna Pieterse by 072 116 3353
- **Gemeente Glencoe: Vrydag 7 Desember: Tyd later bekend**  
Buitediens op walle van die Wasbankrivier, distrik Glencoe,  
waar die Gelofte die eerste keer afgelê is  
Kliplegging na die diens  
Almal welkom  
Bring 'n klip van jou omgewing saam met die naam van jou gemeente  
Kontak ds Pieter Bester by 082 899 6564 / 034 212 1815  
[pieterbester@telkomsa.net](mailto:pieterbester@telkomsa.net)

## Predikanteverjaardae

- **Die volgende predikante verjaar tot 28 September, en word hartlik geluk gewens.**
  - Donderdag 20 September: Prop Suzelle Lange (beroepafwagting)
  - Vrydag 21 September: Prof Adriaan Pont (emeritus)
  - Saterdag 22 September: Di Zet Robberts (Heidelberg) en Errol Sheppard (Vaalpark)
  - Sondag 23 September: Di Wouter Beukes (Springs-Noord), Neels Botha (emeritus) en dr Gert Malan (Mosselbaai)
  - Maandag 24 September: Ds Thinus van Staden (Montana)
  - Woensdag 26 September: Ds Marna van der Westhuizen (Ogies)
  - Vrydag 28 September: Prof Natie van Wyk (AIM)



## Beplande vergaderings

- Vrydag 21 September: Finkom van die Ondersteuningsraad  
Werkgroep: Kerkwees  
in huidige ekonomiese milieu
- Vrydag 28 September: Komitee vir Ouderlinge  
Welstand van gemeentes en predikante

## Kursusse en toerusting

- **Gemeente Glencoe: Toerustingskursus: Saterdag 20 Oktober**  
**Op reis – 'n dienswerkreistas**  
Deur ds Hannes Janse van Rensburg van Zuurfontein  
Registrasie 08:00, kursus begin om 09:00  
Koste R60  
Kontak ds Pieter Bester by 082 899 6564 / 034 212 1815  
[pieterbester@telkomsa.net](mailto:pieterbester@telkomsa.net)
- **Ring van Oos-Kaapland: Predikantewelstand: 23-26 Oktober**  
Wilgerfontein-wildsplaas, Oos-Kaap  
Veilige ruimte waar jy oor alles kan praat wat in jou lewe en bediening gebeur  
Terapeut/mentor is byderhand met wie jy met vrymoedigheid kan praat  
Geleentheid om alleen met die Here tyd deur te bring  
Herontdek jou krag en skep nuwe drome  
Daarop gerig om ons Kerk se predikante te verryk  
en binne 'n ondersteuningsnetwerk te motiveer  
Navrae aan dr Johan Nel 083 400 0267 of ds Danie Taljard 082 901 2021
- **Gemeente Pretoria: Woensdag 31 Oktober vanaf 09:00**  
**39ste Kongres van die Kerkhistoriese Genootskap**  
Tema: *Die Godsbegrip – Reformatoriese perspektiewe*  
Opening deur prof SJ Botha  
Prof IWC van Wyk (AIM): *'Die eerste gebod en die God van die eerste gebod'  
met verwysing na Philipp Melanchthon en Zacharias Ursinus*  
Prof CFC Coetzee (Noordwes-Universiteit): *Die Godsbegrip soos dit deur die  
Heidelbergse Kategismus begrond en bely word*  
Ledevergadering 11:30-12:00  
Afsluiting 12:00  
Uitstalling van gedenkpenninge en historiese munte  
Navrae aan dr JMG Storm (083 308 1030 / [nhmeyerspark@lantic.net](mailto:nhmeyerspark@lantic.net))  
of dr Christo Pretorius (083 651 9634 / [praetorc@telkomsa.net](mailto:praetorc@telkomsa.net))

## Beskikbare behuising

- **Ons Tuis (Riviera)**  
**Tehuis vir versorging van verswakte bejaardes het tans plek beskikbaar**  
Volledige versorgingsfasiliteit wat insluit:
  - 24-uur mediese versorging
  - 3 maaltye per dag
  - Sekuriteit
  - Gereelde sosiale aktiwiteiteVir meer besonderhede, skakel matrone E Mans by 012 329 3623  
Aansoekvorms kan afgetrek word van [www.otmt.org](http://www.otmt.org)  
of kontak H Fourie by 012 325 1857 om aansoekvorms te stuur
- **Andries-Marié Oosthuizen Monumenttehuis (Parys)**  
**Behuising vir seniorburgers**  
Daar is tans die volgende behuising beskikbaar:



## **MET VERSORGING**

1 dubbelkamer (verkieslik 'n egpaar) – 24-uur-versorging

Koste per persoon R5 500 per maand

(sluit in 3 etes per dag, wasgoed en kamer skoonmaak), opnamefooi R3 000

## **SELFVERSORGING**

- o A-gang: 1 enkelkamer, R3 050 per maand  
(ingesluit 3 etes, wasgoed en kamer skoonmaak 1 x per week)
- o B-gang: 1 dubbelkamer (egpaar) – R3 050 per persoon  
(ingesluit 3 etes, wasgoed en skoonmaak van kamer 1 x per week)
- o H-gang: 1 ruim kamer met eie badkamer, stoepie en tuintjie  
(ingesluit middaget) – R3 000 per maand

Eenmalige opnamefooi van R3 000

Ondersteunende dienste beskikbaar

**Kontak matrone Alet Botha by 056 811 2185 vir meer besonderhede**

## **Konserte en feeste**

- **Sondag 7 Oktober om 18:00: Gemeentes Primrose en Primrose-Oos Christelike toneelstuk** deur Delta C: *'n Nuwe lewe*  
Ten bate van **Graad 1 Bybelprojek**: Elke jaar word 'n Bybel aan elke nuwe graad 1-leerling in Primrose geskenk  
Volwasseenes R50, kinders R30 (sluit ribburger in)  
Navrae per SMS aan Chris de Wet by 082 699 2295

## **Kampe en toere**

- **Toer op Bybelse voetspore...**  
**Egipte, Israel en Jordanië**  
4-18 Desember 2012  
Kontak ds Hannes van der Merwe by 082 575 1979  
of [hannes@pretoriaoos.com](mailto:hannes@pretoriaoos.com) vir meer inligting

## **Kompetisies en fondsinsamelings**

- **Gemeente Brits: Boufondsversoek**  
Dra by tot die gemeente se boufonds  
SMS **KERK** na **48716** en dra R10 by  
Fondse word gebruik om die geboue te herstel  
Meer as een SMS is baie welkom  
Navrae aan ds Kobus Celliers by 012 252 0158
- **Gemeente Hartebeeshoek: Fotokompetisie**  
Tyd om kameras op te neem en te begin soek na *VOETE* en/of *SKOENE*  
Tema: *In sy voetspore*  
Reëls en voorwaardes geld  
Goeie pryse met professionele beoordeling  
Kontak Theresa Oosthuizen by [theresa@northernfoods.co.za](mailto:theresa@northernfoods.co.za)
- **Gemeente Leudoringstad: Kompetisie om Doringfees bekend te stel**  
Pakkette beskikbaar, ook aan gemeentes  
R1 000: 20 boekies ter waarde van R10 000  
(gemeente kan dus R9 000 wins maak)  
R2 500: 50 boekies ter waarde van R25 000 (wins R22 500)  
R5 000: 100 boekies ter waarde van R50 000 (wins R45 000)  
Kaartjies slegs R50 elk – en 11de kaartjie in die boekie is gratis  
**Trekking Saterdag 29 September om 12:45**  
Kontak Berno Robinson by 082 395 9241



- **Gemeente Horison Roodepoort: Naweek van 26-27 Oktober**  
Liturgiese blommeskou by die kerk  
Alle blommerangskikers word genooi om in te skryf  
Vir meer inligting of 'n inskrywingsvorm, kontak Hannie Cripps by 084 549 4102
- **Gemeente Kampersrus: Vakansiekompetisie**  
**Trekking: 27 Oktober**  
Wen naweek ter waarde van R28 000  
3 nagte verblyf vir 2 persone in 5-ster Kapama Lodge  
(alle etes asook wildritte ingesluit)  
Olifantritte, lugballonrit, spabehandeling in hartjie van Bosveld  
Besoek aan Cheetah-projek in Hoedspruit  
R2 000 sakgeld  
Kaartjies R100 elk  
Navrae aan ds Marius Kramer by 083 310 6042  
of by gemeentelike kerkkantoor [kampersrus@nhk.co.za](mailto:kampersrus@nhk.co.za)

### Basaars en markte

- **Vrydag 28 tot Sondag 30 September: Gemeente Zeerust**  
**Bosrumoer**  
By Doornrivier 4x4, Zeerust  
Kontak ds Barrie Oberholzer by 082 211 7926 of [bosrumoer@gmail.com](mailto:bosrumoer@gmail.com)  
<http://www.bosrumoer.co.za>
- **Saterdag 29 September om 09:00: Gemeente Leeudoringstad**  
**Doringfees**  
Gaskunstenaar Sorina die Flooze  
Navrae aan gemeentelike kerkkantoor by 018 581 2055  
of [nhkleutjies@nwet.co.za](mailto:nhkleutjies@nwet.co.za)
- **Saterdag 29 September: Gemeente Coligny: Wielefees**  
Beleef grootste ontbytrit nog in die Noordweste  
Veteraanmotors, nuwe motors, omgeboude karre en motorfietse  
Sommer langs hoofpad by Shell Ultra City uitgestal  
Stalletjies met heerlikste gebak, pannekoek, burgers, geroosterde toebroodjies, worsbroodjies en roerbraai  
Pret vir die jonk van hart, verfbal, skyfskiet, springkasteel  
Kom probeer die meganiese bul ry!  
Kontak Jan Haywood (motorinskrywings en uitstallings) by 084 514 7050  
of Jan Jordaan by 083 468 6700 vir algemene navrae en rigtingaanwysings
- **Vrydag 26 Oktober vanaf 09:00: Gemeente Piet Potgieter op Potgietersrus**  
**Jaarlikse Kersmark**  
Unieke Kersgeskenke en 'n middag- en aandete  
Gebak en speletjies vir die kinders  
Skakel Anna by 084 580 7050
- **Saterdag 27 Oktober: Gemeente Kempton Park-Oos**  
**Bosveld Kontreifees**  
09:00 tot 17:00  
Kom deel in heerlike dag tussen verskeie uitstallings en kosstalletjies  
Hope pret vir kinders, potjiekoskompetisie, Mnr & Mej Kontreifees  
Gaskunstenaar Thys die Bosveldklong om 14:00  
Toegang R10 per persoon  
Kontak ds Anneline Geyer by 082 924 7344

## ANDER NUUS



- **Die Ondersteuningsraad (OSR)** bied vanjaar weer vir minderbevoorregte tieners 'n kamp aan te Mooikrans Equus in Amersfoort, van Sondagoggend 30 September tot Vrydagmiddag 5 Oktober 2012. Die koste beloop **R850 per kind** wat die busvervoer, etes, aanbieding van die program, gebruik van toerusting, ensovoorts, insluit. Aangesien hulle nie vir hulself kan betaal nie, word fondse benodig om die kinders te borg. Persone wat 'n **kind wil borg of 'n donasie wil maak**, kan Suzanne van Deventer van die Pretoriakantoor kontak by 012 325 2320 of [oraad@telkomsa.net](mailto:oraad@telkomsa.net). Die bankbesonderhede is soos volg:

Die Ondersteuningsraad  
 ABSA tjekrekening nommer: 000602795  
 Takkode 323 345  
 Beskrywing: Kampfonds

- **INTERNASIONALE KINDER- EN JEUGKONFERENSIE**  
**26-28 September**

Fakulteit Teologie, NWU, Potchefstroom  
 Gerig op predikante, kategete, ouers en almal wat met kinders en die jeug werk  
 Verskeie gesamentlike en parallelle sessies  
 Wetenskaplike én meer populêre lesings  
 Sprekers: prof Malan Nel; Craig Groome; Marius Storm; Petra Kollege;  
 ongeveer 30 ander  
 Konferensiegangers is vir eie huisvesting verantwoordelik  
 Kry inligting oor gastehuse by  
[http://www.potchefstroom.co.za/accommodation/acc\\_guest\\_houses.html](http://www.potchefstroom.co.za/accommodation/acc_guest_houses.html)  
 Navrae aan dr Rudy Denton by 018 294 3509 of [rudy@nhk.co.za](mailto:rudy@nhk.co.za)

- **BYBELGENOOTSKAP**

- **SEPTEMBER: 30 DAE VAN GEBED**  
 Vir vertalingswerk van Wêreldbond van Bybelgenootskappe
- **SONGS OF PRAISE**  
 Met Richard Cock en massakoor  
**Saterdag 29 September om 19:30:** Kapel van Kearsney-kollege  
**Sondag 30 September om 15:00:** Pietermaritzburg-katedraal
- **LEKKERSTAP VIR BYBELS**  
**Saterdag 29 September** saam met Upington Toyota  
 Kalahari-kuierfees in Upington  
 Spring weg om 09:00  
 1 km- en 5 km-roete begin en eindig by Die Eiland  
 Donasies vir Bybelverspreiding welkom
- **GHOLFDAG: Dinsdag 9 Oktober**  
 Gelyktydige begin 11:00 te Serengeti-gholfklub  
*Betterball Stableford:* R3 000 per 4-bal (sluit aandete in)  
 Kontak Jenene Bernhardt by 011 552 7208  
 of [jenene@serengeti.co.za](mailto:jenene@serengeti.co.za)

Navrae oor al die projekte aan [biblia@biblesociety.co.za](mailto:biblia@biblesociety.co.za)

- **VAKATURES VIR ONDERWYSPOSTE**

Privaatskool met 210 leerlinge  
 100 km noord vanaf Polokwane, Alldays-rigting  
 1. Onderwyser in Engels (Tweede Taal) grade 8-12  
 2. Onderwyser in Wiskunde  
 Basiese onderwyskwalifikasies – Wiskunde vir graad 12

**Aanvangsdatum: Januarie 2013**

*Posvereistes:*

- Erkende onderwyskwalifikasie noodsaaklik;  
 matriekondervinding sal voordeel wees
- Bewese ondervinding in aanbieding van die vakke







- Beginselvaste, belydende lidmaat van een van dié 4 Kerke: Hervormd, Gereformeerd, NG, APK
  - Getuigskrif van predikant
  - Onderrig in Afrikaans
- Verblyfeenhede op perseel vir gebruik van personeel  
Wanneer alle eenhede vol is, sal ander verblyf gereël word  
Stuur CV en getuigskrif van predikant na [global@workforceworldwide.com](mailto:global@workforceworldwide.com)

- **BEELD-KINDERFONDS KERKONSERT**

**Woensdag 28 November**

Moreletapark-gemeente

Juanita du Plessis, Manie Jackson, Joe Niemand, Nadine en ander

Bespreek by [iTickets.co.za](http://iTickets.co.za) of per telefoon by 086 100 0291

- **ADVERTENSIES** waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die *e-Hervormer* geplaas word. Dit bestaan hoofsaaklik uit **teks van ongeveer 110 woorde** (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Indien 'n jpg-weergawe van die advertensie voorsien word, moet dit **verkieslik nie groter as 'n standaard besigheidskaartjie** wees nie. Die advertensie moet saam met die bewys van betaling gestuur word aan mev Tessa Oppermann, per faks na 086 633 4059, of per e-pos na [produksie@nhk.co.za](mailto:produksie@nhk.co.za). GEEN advertensie sal geplaas word sonder dié bewys nie. Die **teks en bewys van betaling** moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge. **Die koste is R150 per plasing (BTW ingesluit).**

Die verskuldigde bedrag moet uitgemaak word aan:

Raad van Finansies

ABSA tjekrekening nommer 020-000-287

Takkode 632-005

**Verwysing: u naam + e-Hervormer Ads**

## KOMMENTAAR

Lesers kan kort kommentaar (**uiters 100 woorde**) stuur aan [produksie@nhk.co.za](mailto:produksie@nhk.co.za). Langer bydraes sal nie geplaas word nie, en moet eerder na die gespreksforum van die Kerk se webblad gestuur word; gaan dan na [www.nhka.org](http://www.nhka.org) → Praat saam en kies die opsie wat u pas. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

“Ek het pas ds Etienne Fourie se artikel in die *e-Hervormer* van 13 September gelees. Baie dankie vir die eerlike deel van jou ervaring en emosies – ek glo dat dit vele ander mense ook sal help, selfs al is dit dan net deur die wete dat ons nie altyd die antwoorde (hoef te) ken nie. Ek wens jou baie genade toe vir elke dag.”

**Marieta Mundell, Bellville**

“Laat my toe om my ongemak met die voorbladartikel in die laaste *e-Hervormer* uit te spreek. My ongemak gaan oor die gepastheid van die hele artikel, maar spesifiek oor die derde laaste paragraaf. Ek weet nie wie vir ds Fourie so seergemaak het nie, maar ek dink die opmerking was onnodig, dit pas nie in een van ons kerklike publikasies nie. Hierdie opmerking wat nou aan alle lidmate en ook mense buite die Kerk uitgestuur word, help ook nie om die verhoudinge binne die Kerk of die beeld van die Kerk na buite te bou nie.” (Verkort – Red)

**Dr Stephan Hoffman**

## Tydskrifte Oktober 2012



**Konteks** [www.konteks.co.za](http://www.konteks.co.za)  
Oktober 2012

**In Konteks van Oktober 2012**

- Die krag van die kerklied
- Staan jy by die kruispad van 'n kind?
- Maak kennis met gemeentes in die ring van Johannesburg

Slegs R15 per individuele uitgawe

Bestel by [sentik@nhk.co.za](mailto:sentik@nhk.co.za) of by u gemeentelike kantoor



**Die Hervormer** [www.hervormer.co.za](http://www.hervormer.co.za)  
Amptelike maandak van die Nederduitse Hervormde Kerk van Afrika

**In Die Hervormer van Oktober 2012**

- Hou die rooiwarm boodskap brandend
- Die pad vorentoe vir ons Kerk
- Tyd om ons teologie te herontdek

Slegs R10 per individuele uitgawe

Bestel by [sentik@nhk.co.za](mailto:sentik@nhk.co.za) of by u gemeentelike kantoor

**Bybelse Dagboek / Almanak 2012**



Kry belangrike inligting oor die Hervormde Kerk én 'n inspirerende Bybelse dagboek in een omslag

**Nou slegs R60 (posgeld uitgesluit)**

Bestel by [sentik@nhk.co.za](mailto:sentik@nhk.co.za) of by u gemeentelike kantoor